

ურბანული რეკონსტრუქციის და განვითარების პროექტი (URDP)

ტენდერი დასახლება:

ქ.ფოთის მშვიდობის ქუჩის სანიაღვრეს სატუმბი სადგურის მშენებლობა

ტენდერის #: EIB/MIMP/W/NCB/25-2016

წინასატენდერო შეხვედრის ოქმი

თარიღი: 1 ნოემბერი, 2016 წელი

სატენდერო დოკუმენტაციის „ინსტრუქციები ტენდერში მონაწილეთათვის“ 7.4 პარაგრაფის შესაბამისად **2016 წლის 1 ნოემბერს, 15:00 საათზე** გაიმართა წინასატენდერო შეხვედრა საქართველოს მუნიციპალური განვითარების ფონდში, დავით აღმაშენებლის გამზირი #150, სართული 3, ოთახი #316, თბილისი 0112, საქართველო.

დამკვეთის მხრიდან შეხვედრას ესწრებოდნენ შესყიდვების სამსახურის უფროსი, შესყიდვების სპეციალისტები და საინჟინრო შეფასების სპეციალისტი.

შეხვედრას ესწრებოდა ერთი დაინტერესებული კომპანიის წარმომადგენლები.

შეხვედრა გახსნა შესყიდვების სპეციალისტმა, რომელმაც ზოგადად განმარტა წინასატენდერო შეხვედრის მიზანი.

დაინტერესებული კომპანიის მხრიდან დაისვა შემდეგი შეკითხვები:

1. კითხვა: ხარჯთაღრიცხვა B-1 შპუნტების მოწყობა პოზიცია 2 შპუნტი L-6 მეტრიანის რაოდენობა წერია 96 ტონა, ხოლო პროექტის კონსტრუქციულ ნაწილის სპეციფიკაციაში 19.5 ტონა გთხოვთ, განვიმარტოთ?

პასუხი: აღნიშნული რაოდენობა (19.5 ტონა) სატენდერო დოკუმენტაციაში არ ფიქსირდება, პროექტით გათვალისწინებულია 6-მეტრიანი შპუნტების მოწყობა 96 ტონა (შპუნტების მრავალჯერადი გამოყენების შესაძლებლობით);

2. კითხვა: რატომ არ არის მითითებული სატენდერო დოკუმენტაციაში შპუნტის ზომები და მოწყობა?

პასუხი: აღნიშნული ინფორმაცია მოცემულია სატენდერო ნახაზებში: ნახ.NN მ-3, მ-4 და მ-5;

3. კითხვა: კომპანიის წარმომადგენლის აზრით, საჭიროა წყლის ამოტუმბვის გათვალისწინებაც.

პასუხი: პროექტში მოცემულია სამშენებლო მოედანის საინჟინრო-გეოლოგიური პირობები. ნახაზებზე და სამუშაოთა მოცულობებში ნათლად არის დაფიქსირებული I კატეგორიის სველი გრუნტის დამუშავება, რომელიც ხორციელდება 4.5 მ სიღრმემდე, რის შემდეგაც ქვაბულში გათვალისწინებულია 2.7 მ სიმაღლის ხელოვნური საფუძვლის მოწყობა ბალასტით. სატენდერო დოკუმენტაციის ზოგადი სპეციფიკაციების 3.1.2 თავის შესაბამისად ტენდერის მონაწილემ მიწის სამუშაოების ერთეულ ფასებში უნდა გაითვალისწინოს ყველა ის დამხმარე სამუშაო (მათ შორის წყალამოღვრაც) და ხარჯი რაც შეიძლება საჭირო გახდეს აღნიშნული სამუშაოს შესასრულებლად;

4. კითხვა: შესაძლებელია თუ არა სატენდერო დოკუმენტაციის Word-ის ფორმატში მიღება?

პასუხი: სატენდერო დოკუმენტაციის მიღება Word -ის ფორმატში შესაძლებელია. აღნიშნული ფორმატით დოკუმენტაციის მისაღებად ტენდერის მონაწილეებმა მოთხოვნა უნდა გამოგვიგზავნონ შემდეგ ელექტრონული ფოსტის მისამართზე: Procurement@mdf.org.ge

5. კითხვა: არის თუ არა შეუსაბამობა ტუმბო აგრეგატის წარმადობასა (3750 მ3/სთ) და ძრავის სიმძლავრეს (110 კვტ) შორის? შესაძლებელია თუ არა სატენდერო დოკუმენტაციით მოთხოვნილი სატუმბი აგრეგატისგან განსხვავებული უფრო დიდი და მძლავრი სატუმბი აგრეგატის წარმოდგენა?

პასუხი: სატენდერო დოკუმენტაციაში მითითებული სატუმბი აგრეგატის მახასიათებლები სწორია. ფოთის სანიაღვრე სატუმბ სადგურში აწევის მაქსიმალური სიმაღლე შეადგენს 6.5 მ-ს. აღნიშნული სიმძლავრის ტუმბოს დაბალი აწევის შემთხვევაში შეუძლია 3750 მ3/სთ წყლის გადაქაჩვა; პროექტის როგორც გრაფიკულ, ასევე განმარტებით ბარათში და სპეციფიკაციებში ცალსახად არის განსაზღვრული ტუმბოს ტექნიკური მახასიათებელი და შესაბამისად ტენდერის მონაწილის მიერ უნდა იქნას მოწოდებული პროექტით განსაზღვრული ტუმბო აგრეგატი.

6. კითხვა: შესაძლებელია თუ არა სატენდერო დოკუმენტაციით მოთხოვნილ ფორმებში გარკვეული უზუსტობის შემთხვევაში მათი დაზუსტება?

პასუხი: სატენდერო დოკუმენტაციით მოთხოვნილი ფორმების დაზუსტება შესაძლებელია, თუ დაზუსტება არ მოიცავს შეფასების ნაწილს;

7. კითხვა: სად შეიძლება შპუნტის შეძენა და შესაძლებელია თუ არა შპუნტის დამზადება შეკვეთით?

პასუხი: შპუნტების მწარმოებელი და მომწოდებელი ორგანიზაციის მოძიება ტენდერის მონაწილის პრეროგატივაა და დამკვეთი აღნიშნულ საკითხზე ვერ გასცემს რეკომენდაციებს.